

完玉堂詩集

紅椒集 卷三

紅椒

迦文夢菩提

樹名

仲尼夢周公子雲夢白鳳丁固夢青松

至人乃無夢斯語誑兒童人生海一漚誰不在夢中昨
夢登寶所一樹紅椒紅其香何郁烈吹滿衣緘風其實
又蕃衍照耀蓮花宮座繞龍象衆揮塵談苦空我心已
止水我身尚飄蓬此境自歷歷誰辨吉與凶霜鐘忽打
破殘月猶玲瓏

陸石年侍御齋與張牧霞盧仲山話舊

完玉堂詩集 卷三

一

似金出鑛張平子如珠在淵盧子笏同心與我蹤跡奇
一入雲中一遊粵可憐倦翮羣鶴孤吳山越水煙糝糊
夢餘往往發清唳鸞漂鳳泊何爲乎世態交情雲雨變
達士何常戀鄉縣偶然乞食長安城二子忽驚重見面
是日朔風怒且狂雪花如掌撲衣裳滿懷情事說不得
但咤鬚眉皆老蒼風前握手再三看要我城南宿旅館
煌煌一尺絳蠟燈夜久不覺花燦爛憶昔髫年定交始
湖東楊柳春風裏清狂勿厭養馬癖好事每及緇衣子
晝游同屐夜同榻嘯歌達旦惱鄰里一詩先就座則諫
三日不見書必至蟄園翁講李杜集嶽嶽九人合一几
浣花流水敬亭月縱橫妙論猶在耳其時銳氣莫可當

譬之青天出虎兕紛紛遭餘子妬吳下聲名從此起
男兒有志各有謀寶劍箬笠東西游別後八年里社散
尺書遠寄多沉浮翻思昔別太草草此際相逢情更好
參星欲落鷄旣鳴請君讀我遊山藁

西城別墅詩十三首王阮亭少司寇屬賦

縹緲天際亭阿那秋煙碧或疑魚背峰飛來翥雙翻達
人愛卧遊不載看山屐石帆亭

花竹掩映處有軒面層坡手絃送歸鴻時聞樵唱歌
聲入雲去聽者夫如何樵唱軒

名根已消盡名言未嘗絕金粟悟前身香閣香自蒸一
半問居士居士不能說半偈閣

完玉堂詩集卷三

二

靈椿托逍遙日日春風裏荒哉夢蝶人錯註小年紀軒
前蘭有孫軒後桂有子大椿軒

讀書孤不可種松並始奇交枝覆白雪接葉藏黃鸝松
翠與書聲歲寒乃見之雙松書塢

一水縈一岡月出夜彌靜應同青妙客蹋此竹柏影上
下千古情於焉托高詠小華子岡

洞在山之麓遊則必俯額玉童掌秘誥乖龍守雲闥堪
笑謝客兒鑿山甚迂闊小善卷

池水暖更香春艸藉來秀佳句得神助好風入懷袖時
有文魚躍更無花鴨關春草池

一峰如蓮花一峰如毛女一峰如香爐峰峰秀而古有

時生片雲灑作天下雨

三峰

魯諸山色好眺望心神開我欲謝塵俗驂鸞登此臺
嶽口試一嘯清風霞表來

嘯臺

不老亦不頑來自青城山頽然歷霜雪綽有好容顏
若遇竺法師收入叅徒間

石丈

竹裏徑紆迴竹邊風瀟灑清籟瀉琴牀朱鳳襪
下雖多佳客遊但少閑僧話

竹徑

矮屋衣綠蘿歲古香不卷邀風入茶鐺漏月窺
詩研余本山人幽夢如何遣

經蘿書屋

冬夜同余鴻客向功來賦

自來洗盃鳳凰城詩思逢冬分外清樹老欲斜
迎雪意

完玉堂詩集

卷三

三

烏寒忽起作風聲三生跡在如圓澤五岳情深
是向平漫話故鄉勞遠夢爨牋寫盡短長更

辛未除夕示懷嵩覆千二侍者

草草閒愁入鬢絲身如越鳥背南枝挑燈欲問
三人影饑歲還吟七字詩京國交遊雲不定煙霞
情性鶴能知遙憐山裏梅花放誰插銅餅供我師

阿雲舉見過

不耐東華十丈紅閉門閒然落花風因君話到
勾留處柳色蘋香入夢中

晴雲書屋聽涂公行彈琴

璧月珠簾夜更清瀟湘一碧鴈飛鳴屬君珍重
珊瑚鈿

舉世無人愛此聲

絕調曾經天子誇又攜綵綺到京華道人正有思歸引
雪裏寒梅盡放花

同龐雪崖水部聖安寺小閣坐雨

曳杖城南訪老龐茶煙竹榻話西牕渴龍挾雨入海淀
墨雲奔破如翻江浪遊京師閱兩暑山魃木客愁莫降
風塵碌碌才力退安得金石相擊撞遙憶故山此時好
綵陰深處黃鸝雙雲門溪口竹橋側料無人聽泉淙淙
送張超然南還

涼颺激商籟落日下桑乾我亦倦遊者斯時送別難朔
鴻燈下聽南菊夢中看歸去琴川上鱸魚恣意餐

完玉堂詩集

卷三

四

送華子于南歸

雪裏鞭梢冰凍鬚掉頭不肯住須臾歸期要及迎春社
萬樹梅花酒一壺

刻燭含毫老歲華玉堂金谷滿煙霞盧溝橋上拂塵去
孤鶴一聲山月斜

從來論畫似論文摹古營新意出羣肯寫尺綃留別我
尋詩夢入故山雲

人情棋局易番更不繫孤舟去住輕第二泉邊須少待
筍鞵藜杖共聽鶯

感懷一首同紅蘭主人賦

愁如中酒日昏昏世事驚心未易論絃欲斷時知柱迫

月當缺處覺星繁金臺空弔賢王蹟易水難招壯士魂
安得好風吹竹笠聽鶯直到古雲門

送盧仲山歸里

三載金門客同聽玉漏聲愛君馳駿馬不肯戀微名籤
驛黃沙暗過江白紵輕况當櫻筍候分手若爲情

送張望之游閩

平生好友似星稀燕北鴻南相背飛搖落玉河橋畔柳
那堪又送一人歸

四愁詠罷詠秋風兩載蕭騷客况同此去妬君惟一事
楓亭飽啗狀元紅

玉泉輪菴兄方丈聽雪公琴

完玉堂詩集

卷三

五

雪公襟度頗瀟灑抱取小雷向我彈一絃一徽一峰起
指間謾謾松風寒自言苦心已十載悟入琴聲禪亦在
若非枯木裏龍吟安得當今聖人愛

中秋夕送友從獵出塞

皓月當牕滿緒風吹袂寒看君有奇氣別淚不輕彈射
虎雪花白題詩楓葉丹那堪越吟客矯首望飛翰

三月晦日同吳天章沈客子作

無賴東風攪客懷一春孤負蹋青鞵來如好夢過郵舍
送亦消魂逐水涯鶯舌老猶啼綠樹馬蹄倦向落紅街
縱然空盡繁華眼歸臥江邨事事佳

送程元衡歸維揚

五十霜花點鬢秋三年客爲相公留聽歌曾破槐根夢
策蹇時同山裏游老圃生涯堪寄傲龐家夫婦亦風流
竹西亭子今無恙歸去黃花插滿頭

寄友塞外

千里花驄五石弓承恩雪磧射飛熊遙知絕塞詩題好
比似無題句更工

碧梧落盡歸無計黃菊開時鬢亦斑月冷松牕有孤夢
西風吹不到關山

中秋後十日吳天章惠研溪姜西溟查夏重德
尹張超然陳叔毅顧書宣沈客子盛玉岑集紅
椒菴得心字

完玉堂詩集

卷三

六

平生慕古哲澹然無住心卓錫領紅椒所媿知已深剝
竿鄰鳳閣幽僻如山林堦穿不波井壁挂無絃琴翩翩
名士駕寤言豁虛襟茶煙破秋籟香篆直午陰忽伐堂
上鼓龍象如雲臨逼登曲糸牀闊步嬉危岑拈出桂花
句未能善古今風前取一笑妙理良堪尋

送式菴禪師歸南岳

京國偶看奕君歸一著先布颿衝破冢江柳欲飛綿祖
道今衰甚山棲要力堅三生舊苔石應埽待余眠

送輪菴兄南還

多年供奉自楓宸乞得還山一葉身曾剪蠟燈話懷抱
獨看錫杖出風塵鄉愁亂逐青門柳別淚輕沾白氍巾

老卧靈巖香雪裏更無人問禁園春

送古律法兄入長壽院

鳳城直北古留邨柳色山光遶寺門鐘鼓交參如鹿苑
風塵絕處卽桃源吾宗寥落應同挽薄俗支離總莫論
攜手不辭相送遠看拈衣角蓋乾坤

隱囊

頑仙采碩橘迄今八千秋自從弈者出遂與隱士留番
錦花相攢吳綾水欲流瓜稜巧剪裁魚子鍼細鈎穩如
珠不走圓若月乍浮山高翔隻鳳莎淺眠羣鷗得此伴
枯木何必買沃州竹牀擁布袖柏子籠香篝黑甜鄉洵
美約爾希夷遊

完玉堂詩集

卷三

七

輓駱秋厓

城南一慟卽長訣回首燕雲空夢思玉勒山中曾看雪
銀燈花下共圍碁魂應化鶴歸華表怨托啼烏繞樹枝
西墅送春詩句好那知識在蓋棺時

送春有春風慘淡催花信
夜月分明照旅魂之句

送一覺禪師省觀平陽

木樨香透鼻尖時正好升堂見老師莫學永嘉擔板漢
到山一宿被人疑

千峰翠繞萬松門身到方知祖道尊若問風塵浪游子
鄉音半改膽毛存

送爾翩翩逐鴈行秋風蕭颯柳條黃師翁墻樣依然在
描取歸來爲表揚

王麓臺給諫畫廬山圖見貽作此報之

君不見廬山拔地青插天白雲鋪作兜羅綿花宮暴塵
塵跡絕但有千丈瀑布空中懸所以遠法師愛此招隱
栽白蓮蓮壺刻漏修淨業至今十八稱高賢惟昔我師
與我祖弘覺師翁開先維州住靜黃崖天童老人亦于大林寺脫白埋光鏟彩黃崖巔匾頭同

門亦孤峻

謂心壁兄也

打鼓說法于開先廬山本是我家物何

爲不歸真可憐入都喜邁王給事見道不減楊大年當
機電拂巖下迅訓難珠走盤中圓每從仙掖補衮暇論
詩讀畫相留連那許俗人來一个隔簾落子琤琤然知
我寄懷非迂拙趣我命駕休遲延經營市月乃見贈廬
山面目真嫵媚虎溪涓涓流玉磬香爐靄靄吐紫煙
八
笠未離軟紅影夢魂先到青松邊圖尾更吟裂石句畫
中有詩詩中禪借山從此不借山藏之名山千秋傳

過張超然寓

東西蕭寺接橫街暇卽尋君散旅懷冷雪半春消菜甲
斜陽滿院戀松釵忘機玩世能恬澹脫俗論交自偶諧
我且年來相識少一雙青眼幾回揩

約蔡水部絜齋遊祖家園

拄頰看山山更妍重遊興未減於前論詩最喜法曹近
尚友况逢水部賢謂令弟東巖風信幾番催杏蕾煙郊一路簾

榆錢與君相約討春去春到清明正可憐

送王昊廬大宗伯歸金陵

自古長安棋局新誰先一著脫風塵明公本有如爪骨肯把神仙讓別人

春風桃李滿宮門出入金華秩望尊賜老洵非容易事得閒一日是君恩

白門築就好亭臺種滿煙篁與玉梅丸髻孫兒花下盼阿翁真箇賦歸來

玉河橋畔柳如煙相送輕帆興浩然無恙六朝山色在南歸準買剪刀江船

青花端硯既爲人竊去復得澄泥舊硯大快心手賦此志喜

舊坑昨失老友苦

青花端乃報恩老人所遺爲人竊去舊鑄借公平生友五字

澄泥今得新交

完玉堂詩集

卷三

九

懽洗來一試烏玉玦何異生蠟塗熬盤高麗繭紙白于雪煙雲颯沓龍蛇蟠吁嗟爾研具清骨不向豪貴輸心肝前遇石田後借山

研爲沈石田先生舊物

香爐茗椀同忘年

孫松坪招過寓齋話別

三月北風太作橫飢虎哮吼飛塵沙中寒坐擁破絮衲無心走看殘杏花故人憐我近潦倒銀鹿送簡題封斜長安古道誰復講輾然不覺興咨嗟道安到都邁鑿齒陸機入洛傾張華名流相賞倍聲價知己把臂能周遮何爲風雅日衰替錦衣玉面徒紛拏感君意氣薄層雲愛君才品挾天葩賦詩久矣號勅敵敦舊今也稱蘭奢柈中飯蔬香簇疊簾外山髻青鬔髻向西矯首且一笑

已整倦翻歸煙霞

留別青松主人

抖擻塵埃已是遲看花忍看到將離好山歸去便終老
直道從來不合時滾滾柳綿粘別袖層層鷗浪照愁絲
白雲一片閒心事除却青松那得知

忻州過程嬰墓與周維念大令買酒澆之

朝發雁門塞暮抵忻州城城西縱閒步老柳邀風清忽
見程嬰墓碑書烈士名土人不知重瓦礫攢杞荆嗚呼
下宮難慷慨擇死生足徵趙宣孟養士義不輕探囊出
青錢沽市酒三升再拜手澆之淋漓寫我情

題清涼石

完玉堂詩集

卷三

十

清涼山中一片清涼石冰霜飽飶凝寒碧超乎物外襟
乎真何異山中老禪客方于玉案平于掌紫府仙人手
所劈傍有丹砂小古印傳是曼殊遺聖跡曼殊老子坐
此石說法天花大狼籍十千眷屬常圍繞此石非寬亦
非窄我見謹再拜恍然悟疇昔墮落塵埃四十秋石上
歸來舊圓澤

挂劍臺

戰國固多士懷哉季子賢葬子合古禮聞樂審雅言投
好有徐君秋水懸龍泉生前心所許死則挂墓前此事
遂千古此義人共傳何為紛紛交蒙昧處兩間高臺兀
秋旻落日鳴寒蟬

闕里謁孔夫子廟

卽呈衍聖公兄弟

撥草趨仁里披風入德門
喬松籠殿角孤檜插雲根
俎豆千秋在衣冠三代尊
少時曾服誦一拜此心存
斯道覺斯民東西兩聖人
乾坤同不朽聲教一時新
時雨杏壇夏光風雪嶺春
源頭未常遠愚者自迷津
觀古意何限徘徊碧殿重
糝糊漢朝碣斑繡夏時鐘
韶樂八音備丁筵四氏從
吾生真恨晚每事問從容

簞笏承恩久詩書纘緒長
儵然一片笠猶得接清光
花萼聯吟社奎章煥錦堂
層雲比高義常繞泰山傍

聖公昆仲款接

殷甚

顏子陋巷

完玉堂詩集

卷三

十一

陋巷何曾陋仁風滿四鄰
少年能好學樂道自安貧
猗頓家安在彭錢骨已塵
聖師生鑄就光表共千春

渡黃河

天地本傾側黃流怒不平
漫空若雷吼徹底幾時清
日月愁吞吐蛟龍喜鬪爭
但憑忠信涉身似一鷗輕

漂母祠

漂母祠堂古尚存
萋萋衰艸帶城根
漢家斗大黃金印
爭及當時一飯恩

淮陰侯釣臺

垂釣吞飢不料身
囊沙背水亦何神
英雄事業真堪歎
生死皆由兩婦人

詠懷古蹟

子以中歲重至舊京與一二素友尋覽遠近諸名蹟雖往事邈然而江山如故不已于懷聊吟短章云

鍾陵

拔地鬱松雲金光映紫雲鵲聲啼不歇倚杖立斜曛

鳳皇臺

往古何多事江南大可哀鳳皇終遠去燕子忽飛來

瓦棺寺

蕭寂蓮花宮下有古瓦棺青山出天外白鳥落風湍

青溪

閒訪江令居窈窕青溪曲相逢種菜翁汲水灌寒綠

秦淮湖

煙水碧羅紋煙絲颺麴塵虛亭鬧鵝鴨不是六朝春

完玉堂詩集

卷三

十一

邀笛步

疎煙柳影斜殘雪溪痕凍風流榭子野月夜笛三弄

雨花臺

雨過山鳥鳴花落山無聲聲色本來空空中臺自平

臙脂井

手抱名妃下井中作首邱從來亡國主叔寶最風流

高座寺

爲愛娑羅陰白石訪高座花雨山自空蕭梁寺不破

莫愁湖

紅粉付東流湖猶喚莫愁鴛鴦頭欲白煙雨不宜秋

桃葉渡

細雨溼桃根打槳迎桃葉不愁湖水深只怕東風活

方正學祠

大綱一人立不負讀書功蒼松壓白雪清晝吹寒風

萬竹園

一水浸萬竹舊是中山園偶來坐嘯詠不共主人言

樹法師招過安隱寺看荷

清晨飛玉札同到白雲阿涼俯一泓水閒看幾柄荷影
搖羽扇側香透葛衫多葉底知魚樂浮生奈老何

長干寺墻

最勝長干寺琉璃墻蠹空香凝一峰碧燈放半江紅鷺
醒魚龍夢看疑神鬼工登臨窺舍利傳是赤烏中

完玉堂詩集

卷三

十三

金陵懷古

一枝筇竹入清秋如此江山已倦游王氣不須金再壓
新亭爭禁淚交流葉黃烏去啼陵上月白潮來打石頭
却怪當年庾開府何曾賦得幾多愁

夜坐與笠澤禪師談前輩風槩及遠近諸名勝

兼寄朱少聞先遷甫

日來酷熱懶衣裳貪與我師談夜涼隔院茶煙沉竹影
當門墻火亂星光風流先輩何曾遠名蹟前朝已半荒
正欲拈毫寫心素清鐘打起月輪黃

過朱林修清溪書屋卽梁江總故宅也

斜日淡寒林疎煙散荒圃伊人勞溯洄幾曲青溪路瓦

屋如虛舟傍檻眠鷗鷺何異濠濮間賞心于此遇老樹
勢撐空修藤自攀附想當春風時几研飄香雨惟昔梁
江總深情躡逸步卜宅多遠懷留爲名士住我雖物外
人愛讀江南賦溪邊白板扉臨去再三顧

雨花臺贈樹居法師

雨花臺畔珠龕在犯暑尋君一破顏竹翠宜人消白晝
茶煙滿榻對青山也知名地機堪息轉歎飄蓬鬢早斑
若得把茅作鄰比便成二老放疎頑

題畫

老樹孤撐石一窠數竿翠竹白雲阿有誰叅透雪堂句
畫意無多禪意多

完玉堂詩集

卷二

十四

阿藍菜

孝陵
衛產

堆畔野藪字阿藍不下鹽豉一味甘果腹騰騰諸妄絕
此生便可老江南

竹堂納涼和樹法師韻卽簡竹堂

嘉招安可辭詩逋又相逼獨遊困溽暑懷古身爲側我
友肥遯處滿堂蔭竹色軒窗盡虛豁爐煙任通塞丹碧
點果肴精良具筆墨愁遺鴻毛世味等雞肋學道貴
善藏養志貴自力所以鳳皇飢非竹實不食是日伏正
中金烏張火翼大地坐甑中烈燄何由熄憶昔禮五臺
西峰凌斗極密雪壓重裘禁冷難降陟哦句呪神龍雷
聲起淵默

題笠澤禪師結茆念佛圖

五濁那堪忍頓超
惟淨禪故思把茆去
先寫畫圖傳金粉
消六季煙霞老幾年
于公儻相賞不惜買山錢

重過蒼翠山房

依然竹柏徑
紆斜嫩旭微
香漾碧紗詩
思斷來無處
覓誰知一縷在梅花

劉東郊有詩來問病答之

昔佛弟子多病勅目健連尊者上至天宮問耆婆天王天王世

為醫師云比丘
有病先宜斷食

枯木禪棲枯木堂
何須藥病問天王
老僧自有調治法
蜀紙新抄辟穀方

李東門招過面牆書屋齋話

完玉堂詩集

卷三

五

甬江風雅未全凋
短李長鬚重見招
當午尚煩門剝啄
穿街寧怯雨飄蕭
齋東別置巢
經屋研北新栽覆
雪蕉世好不妨通
世外從今須闢徑
三條

延福寺訪于石禪師

霜滿郊原葉脫枝
刺船猶恨訪君遲
詩從西子湖頭見
名在東齋集上知
杲堂先生鴉陣鼓風圍
遠嶂雁行掠水落
晴曦自今已識江邨路
百遍相過不用期

吳孝子詩

雲間曹涇人字
遇文母方氏

一聲因墮地即解啼
而含七齡失所天
不知北與南
遙遙三十年烏鳥豐羽翰
鬱鬱三千里蓬科入雲端
自西乃復東自夏忽復寒
蓮子薏中苦梅子心中酸
泪枯筍

乃逆水堅魚亦穿一朝雷出地驚喜各見天有如天邊
月魂魄重團圓何異園中瓜子母相鉤連哀復怡怡
喁喁復噉噉故鄉有菽水拜舞萱花前

徐振孫過晚香齋談濟南山水之佳及諸舊好
近信于其歸也作此以致王阮亭大司寇孔東

塘田香城顧天石王秋史四公西銘小山蘊

到處清泉灑灑流鵲華晴翠滴簾鈎愛君新構讀書屋

却近李家白雪樓

李滄溟白
雪樓尚存

濟南自古多名家七十二泉漾玉沙清簾疎簾發幽思
微風不斷香荷花

王家兄弟好風期海內爭傳秋柳詩體調才情歸大雅

完玉堂詩集

卷三

六

時流雖巧漫多師

李杜佳游不世才風流相賞興悠哉竹溪雲映酒樓月
千載令人欲溯洄

世矜生辣老山蘊高蹈香城名更香他日歸舟過德水

數帆亭畔一褰裳

香城山蘊弟授官卽引病不仕爲
園種花好客工詩園中有數帆亭

三千禮樂魯猶存樞却方袍拜聖人白髮東塘尚無恙
相思斜月到松筠

淙霜木葉滿山黃廿四泉邊築草堂曾與山僧話肥遯

故應不改舊清狂

在秋史人呼
爲王黃葉

送吳孝子還雲間

二十餘季夢寐空何曾誦得蓼莪終而今始有人生樂

方信天心咫尺通

請聽烏烏鳥聲辛勤返哺出中情老僧臨別無他語
珍重雲間孝子名

秋到江南金粟香笑扶白髮上高堂新粳米飯鱸魚膾
夫婦雙雙奉阿娘

我亦髭齡失恃慈至今風木有餘悲剪燈為作尋親記
一角袈裟淚又滋

新鷺有感

作

為覓居停意想存斜陽舊巷故翩翩可憐朱邸蘇華換
不辨烏衣種族尊風裏身輕防雀梅花間情重與鷺言
社公雨後營巢易溪尾泥香碧草痕

鞠粿

完玉堂詩集

卷三

七

傳聞鞠水在南陽飲水能令壽命長病起三秋聊當藥
齋中一月不焚香

聯句

我思西河公七年踰飢渴營作人何溫沖論詩重風格

洪防恩鶴情自超遙魚素亦間缺爵雲亭近在吳雪舟漫

入越慈恩一笠歸江南青山仍突兀爵脫贈腕下珠光輝

等完月借山

王新城摘句

一笛破寒渚千帆湊夕陽

金山

桃花上古物桑落太和春

贈隱君

山如米家小水似灤西偏

題汪鈍翁邱南小隱

秋思啼螿集歸心落葉知

答友

夕陽本是多情物常照黃金突兀臺

懷古

吟詩不閉梅花閣懷古獨登文選樓

揚州

知我山中坐禪月照君湖上讀書樓

寄友

才堪與世作著艸道在忘情似木雞

贈同門弟

完玉堂詩集

完玉堂詩集

卷三

十六

完玉堂詩集

浙西釋元璟借山

紫柏集 卷四

雪夜同惠仲孺程筠軒宿楚香蘭若依次拈三十韻限一寸燭成

吾生漂泊片雲耳一笠五度燕山冬軟紅堆裏埋不死
但覺旅鬢雙鬢鬆今年賈勇拔我脚歸舟鑿凍聲琤琮
淤泥雖深了不染濯出十丈青芙蓉伯通橋下一艤棹
襍被曉聽寒山鐘程惠二子本舊好其才矯矯雲中龍
新詩誦之發光燄有如麗日初高春乃知讀書得妙悟
短偈笑問拈花宗

筠軒雅集時仲孺見庭中冰一片占偈問曰徑寸珠明白玉盤擎來試與僧公看冰元是水寒於水還是冰寒

完玉堂詩集 卷四

一

是水寒余乃笑而不答

於心莫逆則嘯詠金石往往相擊椿同來蕭寺

對床話疎疎細雨飄長松松聲茶聲兩莫辨隔屋疑有
波濤衝夜寒風緊吹作雪天公喚起詩魔攻惠子氣壓
萬夫將四座袖手觀軍容程子亦足當勅敵捷若射隼
投高壙我時大呼槌床起得句樂比萬戶封雄鷄喔喔
方三唱乞火已有鄰家傭推窗看月雪滿地寒光皎皎
開心胸瓊樓玉戶迷一色流汞萬斛皆銷鎔回思昨夢
墮幽朔詭怪物狀堪驚兇煤爐炙餅嚼如鐵土炕馬矢
添重重荷衣破碎冒絮裂縱倩好手難裁縫吁嗟我唱
無和者筆力漸退猩猩鋒犯暑更入鴈門塞清涼獨往
無人從七月忽飛徑尺雪蹇驢顛蹶西臺峰生還江南

實大幸鴻爪寧復尋前蹤準擬銅坑把茆住開春先試
看梅筇洞門窈窕白雲合一笑仙子溪邊逢從茲往來
成三老覓路好趁探花蜂素料不飭齷齪饌橘叟粟子
猿娘供未妨低軟作吳語山歌行答耕煙農

徐素傳招集望益齋同徐彥通金亦陶程筠軒

惠仲孺徐七來得素字

凍雲釀雪鴉爭樹繫纜昌亭歲云暮徐郎不設伊蒲饌
何由得晤平生素三條椽燭話紅椒一餅蘭香浮碧乳
風前欲寫倦客愁飄入寒空不知處

卓錫虎邱紫柏院賦謝顧小謝山主暨相送舊

好諸山法侶四首

完玉堂詩集

卷四

二

恒嶽清涼已倦游吳趨佳處合歸休雲光分紫籠雙柏
水色接藍湧一邱夢裏風塵消短鬢贅餘身世付虛舟
好山到處都堪借何必將錢買沃洲

逶迤崖谷似東柯吾祖高藏窳堵波

宋時虎邱只有東西兩寺隆
祖開法東寺因建塔于此紫

柏院即
東寺也

執帚今來供洒埽住山猶自歎蹉跎詩從紫塞歸

時瘦意在青霞冷處多相送閭門誇盛事一時名士盡
陰何

廿年行脚遍諸方為法曾經血戰場此際宗風迷鶴白

只堪袖手看驪黃解苞竹乍侵衣綠出水花偏繞座香

莫怪靈巖兄好事兩回旂鼓助堂堂

都門入院上堂輪兄為余白
惟是日陞座又出眾問話

蕭然一笠一軍持提挈旋呼二子隨

覆于晴江二小
師自當湖來傲骨那

堪從俗砭聞名絕不要人知放叅偶語生公石躡月孤
游短簿祠畫作小山招隱軸爲儂添箇虎頭癡

目存小阮
爲余作小

山招
隱圖

目存法姪爲余作小山招隱圖竹柏疎秀水石
清妍題詩亦復雋妙有扣擊本無說天香衆壑
秋之句口占謝之

吾家小阮工繪事貽我尺幅之雲巒庭前兩本紫瓔珞
簷際百个青琅玕塏尖倒挂劍池影茆堂鬱鬱生畫寒
肚飢可療隱可招長年眠向繩床看

巨然畫好詩不傳貫休雙美禪又少畫中有詩詩中禪
古來只有摩詰老今乃得之於吾公此圖三者兼精到

完玉堂詩集

卷四

三

我貧媿乏英瓊瑤秋吟衆壑天香飄

招盛宜山居士看梅

鄧尉煙霞百里間花開萬玉裹春山一年一度須來看
竹杖椶鞵早出關

已遭晚雪相禁勒昨日暖催消息佳不是枯禪貪把話
老年光景要差排

贈默雷師

默師如病鶴終日讀楞嚴短句有時破無聲花一簾白
雲分石徑碧樹接樓檐笑我支離影相看兩不嫌

送輪菴兄主法靈巖次昌黎山石詩韻

采香十里橫翠微塵尾揮處天花飛天山閣下法雷震

法中老将戰勝肥鋒如劈箭機拂電見者未有聞者稀
又如醍醐灌諸頂刹那四眾充調飢始知丈夫貴超世
奔走龍象填巖扉况茲山乃智積闢靈巖為智積
菩薩開山玲瓏巖石
煙霞霏昂然卓出青霄外七十二髻兒孫圍殿傍兩井
配日月西子曾照霓裳衣我來觀光兼訪古駑馬幸獲
離塵鞿東南法道有兄在弟也瀑布聲中歸時余欲往
匡廬結茅
竺塢訪文與也隱居

峰迴路仄獨相尋曉翠寒煙竺塢深滿架圖書三世澤

君為文肅
公之孫

半巖冰雪一生心玉含璞石有完質鳥入高林

多好音自是華陽有真逸自怡無盡白雲吟

鐵夫弟看梅未歸

完玉堂詩集

卷四

四

聚石看雲事事慵花間恨不並吟筇夜來獨鶴掠銅井
知在煙霞第幾峰

鄧尉探梅舟中同惠仲孺程筠軒作

婀娜輕帆日載陽靈巖山翠接橫塘與君約束紅藤杖
飽領梅花廿里香

撰取良晨作勝遊三人同載木蘭舟東君作意加裝點
柳色鵝兒水鴨頭

橫塘西接采香涇三面都圍蒼玉屏要與松枝了公案
先吟詩句報山靈

夕陽明滅亂山椒水畔寒香陣陣飄何必更尋花處看
銷魂只在虎山橋

虎山橋

水拭菱花鏡山開螺子眉可憐倦游客到此興淋漓
鷗避磯頭釣鶯窺洞口碁斜陽絢奇彩獨立自吟詩
乍洗平生眼山橋倚短藜遠看千晦雪只在一峰西
晚翠穿鐘濕寒香壓帽低寄聲猿鶴侶好伴我幽棲

妙高峰

巖崿妙高峰攀蘿一徑通披襟當竹閣小坐愛松風
天捲晴湖碧雲拖夕照紅煙爨七十二都在有無中

登聖恩寺梵天閣觀具區煙浪

梵天高閣切雲表珠網交處垂金繩鳴鐘散花放午梵
翠螺環繞花千層湘簾倒捲花光白一人縹緲空中憑

完玉堂詩集

卷四

五

吹來冷香襲衣裊望去遠浪開着稜排天濕銀三萬頃
碧煙滑滌松江綾茲辰稍喜風力軟老蛟睡穩魚飛騰
鞞紋敝出蟹爪筆麝煤潑上雲母屏沙澗蒲洲互縈帶
漁舟點水如蜻蜓魚蠻子唱竹枝去一聲笛裂雲冥冥
忽焉風從蘋末起高瀉屋上之銀瓶可憐七十二佛髻
洪波吞吐餘空青鼉鼓初擊馮夷立錦瑟奏罷愁湘靈
水晶盤碎翻石壁驪龍目睽紅珠熒浩然興發不可抑
思濯我足揚吳舲

馬家山

山脚山腰盡白雲晴香蒸處晝氤氳天公領略詩人意
不遣花開到十分

茶山頂看七十二峰

茶山如孤熊蹲踞鐵山背又如清介士卑眎夫流輩我
愛登其巔縱目無少礙碧浪浮紅霞白鳥入蒼靄莫釐
與縹緲邢尹儼相對餘者類嬪從一一爭奇態金庭玉
柱間聞有逸仙在便欲趁漁舸瑶艸長年采

品七寶泉十韻

天眼何年鑿渟泓碧一方潔同高士性

倪雲林品此為江南第四泉

甘許

老僧啜石磴尋松子風爐置薛牀賞名亞悟道

泉名在箕麓峰天衣院

論地壓韜光

泉名在靈隱寺後

漂出梅花白斟來玉乳香枯腸澆

不醉懶伴興猶狂翠滴雲根濕寒吹鬢影蒼歸思蘭艇

載閒取瘦瓢量午篆銷沉水南窗試綠槍更邀好事輩

完玉堂詩集

卷四

六

滌研共平章

歸舟戲示筠軒仲孺

看遍山中萬樹梅銷魂更在萬峰臺佳遊不著新詩寫

只當蓬萊采藥回

滌蕩胸中萬斛愁冷香濕翠滿衣裘何曾覓得團瓢地

誤在同行是阮劉

銅井兄受證平陽卽掩關舊隱相留信宿因話

吳中法道衰落賦此志慨

自從參見平陽老菑苗花湮扁一關

地名白蓮涇

以我倦游爲

地主更無俗客破苔斑翦蔬留話牀頭雨拄頰同看屋

角山此際宗風悲莫挽的應泉石養高閒

重九日盛宜山居士過山中話舊知為本師老
人記荊喜而有作

七載相思書兩緘籃輿今喜到雲巖住山風骨依然瘦
出世因緣大不凡拈却幞頭成特地

龐公參馬祖公案

傳來祖印

佩新銜法門肱股平生舊話徹西窗月挂杉

與張牧霞夜話

燕山汾水苦相思拂袖歸來似有期我亦把鉏君把釣
一般滋味少人知

秋風秋雨話聯牀貧賤交情耐許長一意孤行真卓絕
滿身禪病欠料量

晚次吳江

完玉堂詩集

卷四

七

三江連震澤東折入松陵高浪遠排塔斜陽低挂罾棹
歌驚宿鷺人影傍漁燈回首寒山樹蒼茫隔幾層

南潯道中二首

所向杳無際茫茫雲水鄉荻花隔漁網茆屋隱雞桑天
闌鷗鳧樂風微菱芡香只須買鰓子泛宅老滄浪

釀得葡萄綠多因水味清

南潯酒為浙西第一

銀魚攪市買花鴨背

人鳴菰米翻是滑蘋花點浪輕弁峰青一角遠向夕陽
生

曉發菰城二首

寄鄭芷畦

殘月照鷗夢扁舟背郭門青山似圖障碧浪動雲根欲
訪邱遲宅難招杜牧魂榜人遙指點嶺脚有窪尊

高名

城南最佳處卽是白蘋洲
霜落芙蓉老沙晴灘鳩浮峰
巔鈴語塔樹裏水明樓好訂
明年約新詩取次留

泊舟闕山

曉發雲溪灣昏黃次闕山
遠鐘隨客到圓月向人閒立
俗身無策緣愁鬢欲斑因思
故山鶴寂莫守松關

武陵感舊

何處宋離宮江山一望中
潮來陣馬白日落寺樓紅寂
寞看花舫淒涼橫笛風六橋
好煙景終古屬漁翁

渡浙江

斜日明沙岸微風揚一舸
天光連海白山色過江青壁
壘分吳越魚龍混杳冥偏安
與偏霸往事總浮萍

完玉堂詩集

卷四

八

西陵

五問西陵渡重游路不迷
雲連秦望嶺水到若耶溪樟
葉經霜碧梅花繞屋低依然
刺船處蹋雪覓前題

半山亭卽事同顧小謝徐安序

歲晚游無倦天涯樂有餘
彥先神雋爽孝穆意清疎雪
急方揮塵燈昏還著書乍迴
蘭渚棹欲釣鑑湖魚
我亦成閒放孤雲到處家
死灰動葭管嫩日試梅花白
煮丁坑筍綠烹日鑄茶當年
王許輩老此儘堪誇

余鴻客過山中

五年瓢笠寄京師深負憐
才元老知破寺住來東閣
近蹇驢馱到午橋遲棋枰未
斂看燈盒月舫纔移涕竹絲

今日與君重握手黃梁枕畔不堪思

寒食漫興

記曾披讀上河圖拂袖歸來計未迂到處笙歌爭社賽
獨遊花徑倩筇扶粉團鄰餉綠珠嫩筍版盤堆白玉腴
便老此間差不惡須知天上是姑蘇諺云上有天堂下有蘇杭

感舊詩二十首

吳高士日千驥

狂歌忍餓老蒿萊高節萬牛挽不回地下若逢兩死友

陳則子王玠右固應含笑上西臺

董孝廉樗亭俞

一上金鑿賦玉衡便歸濠上掩柴荆文章時命多無信

完玉堂詩集卷四

九

獨自浮湘弔屈平孝廉應博學鴻詞詔有人忌之不第後游楚與有浮湘過領二集

張徵君洮侯

亂頭粗服張儼榻醉拍銅斗歌烏烏記得鬢絲禪榻話

照人古道今已無

盧博士文子元昌

文筆瀾汎老更工窮愁著書雙眼空何須乞與青磁枕

殘夢冷消水月中博士曾序余詩千餘言極蒙稱許生平著作甚富在傳註杜詩闡盛行於世

陳隱居彥達懋和

老手荆關畫有神何曾一筆與俗人篋中數幅時展玩

白雲遮斷青嶙峋

汪檢討鈍翁琬

竹榻茶爐留結夏談空
研妙開襟期斜陽只在邱南路

伯唱蘇州楊柳枝

檢討築書屋在虎邱二山門外顏曰邱南小隱有姑蘇楊柳枝詞和者甚多

翁先生蟄園

廬

前輩風流老更狂
高座說詩聲琅琅作誅無人悲訣絕

骨埋一角青山香

先生雲間幾社名士也
僑寓平湖余曾受業焉

陸秀才曠菴

廬

曠菴秀句炙人口
白首雞壇誤一冠尚憶西溪埋照地

影對竹梢風雨寒

余結茆西溪與秀才為比鄰

楊別駕香巖

僑愛湖山佳處居
蓴絲手摘來飯余縱然作得招魂賦

未抵生前一紙書

香巖昌平人前朝為明州別駕羅官即流寓吳山高士坊結高士社

完玉堂詩集

卷四

十

吳詞伯伯憩

棠榭

斯人雅許東南霸
陸海潘江底足雄今日渡江誰白戰

芙蓉零落鑑湖空

錢處士秋厓

鴻鴈冥冥安可羅
年未四十虬髯蟠玉梅花開壁月夜

倚風忍聽滄浪歌

乙丑春余同沈客子游雲間訪處士南都草堂時梅花盛開聯吟月下

張公子持遠

世定

臨池鬪韻極能事
騎馬彎弓頗擅場可耐思君秋柳下

月痕依約笛聲長

周貢士冰持

稚廉

周郎才可萬人敵
一語橫空四座驚恰恰年同叔寶死

華亭至今無鶴聲

董文學晴川

溶

才如錦段貧難救嘔出心肝死亦甘不及蓋棺憑一哭

朱霞橫截機山嵐

文學為樗亭仲子詩筆俊警篤於友道年三十六咯血而死葬陸機山

周布衣青士

質

吟到白頭騎赤鯨因君割斷朱絲繩從來詩是窮生活

身後知為無學僧

布衣工詩好客乃至破家晚游京師至宿遷墮水死後張博山泊舟夢青士僧衣相顧云生因見道晚死

恨出家遲天明問之即其死處

沈居士尚廬

雙松居士抱孤癖嗜酒愛花兼工詩悟得苦空禪似蜜

應拋鑿落上蓮池

完玉堂詩集

卷四

張山人抱一

培

山人賣藥價不二抱片白雲隱市門莞然一笑忽蟬蛻

手拖龍杖從劉根

山人性高簡善岐黃術暇即寫山水得宋元人神趣後游洞庭兩山歸乃坐脫焉

陸明經季昭

坐冷翹材館裏羶愁來頻扣懶殘禪一官消得才多少

啼殺夜烏烏柏邊

善知識美發和尚

腰包虎穴夜深入寸筵曾將萬石撞至竟難分恩怨處

心香一縷淚痕雙

冬關文公

通復

扁舟曾訪冬關老松籟茶煙意自消佳句至今留便面

狂風怕有天龍捎

丁丑元旦

了得無心法年來已罷參單丁繼風穴破屋擬高菴道
豈貧能變交從冷處諳何須驚毀譽拄頰看朝嵐

送惠仲孺北游兼呈研谿明府

前年我南還緇衣未曾澣筠軒讀子詩粒粒夜珠貫踉
蹌走覓子粵在閩門館神靜骨巖秀目如巖下電投分
等水乳同過筠軒飯占偈戲問我弗答意自領謂我且
小住買山托親串招致整香居纏綿歲將晏楚香與子
宅相去地一箭蕭晨供茗粥沍寒送粟炭圍棋勸終局
艸書訝滿案松寮佛火青往往夜達旦讀書發議論朱

完玉堂詩集

卷四

三

筆加點勘肯綮屢解頤勃窣忽送難於諸古人意了不
遺一綫有時舞竿蔗滿城飛雪片拓窗觸吟興刻燭呼
凍斫子如鉅鹿軍疾呼氣驍悍我亦提偏師背水決一
戰營結刁斗嚴陣開旂幟轉神速爭先登閑整承後殿
中原逢勅敵鴻溝請割判詩成傳好事手抄幾脫腕約
看鄧尉梅雪消花爛熳樞頭坐三人屐子載雙半搔首
玉女潭濯足金魚碕暮歸或忘寢早起不暇盥探幽兼
卜築苦心爲懶贖自是我把茅長鏡課藜莧子亦更發
憤墳索肆漁畋風雨數往來性命實繫絆譬之久困將
刺腦望急援又類孤忠臣攀檻投直諫儻驚又改歲別
我走京甸青箱裝殘書綠匣佩短劍卽上鴨嘴船撇波

快若剪黯然我魂消子袖欲少挽枯柳未成條春冰殆
將泮送子情亂絲一言子當斷京華最紛雜交態頗巧
幻黠鼠穿牛角媚狐呈鬼面猩猩工笑啼狼也善顧盼
子才自無匹行矣宜審揀赫赫密雲公當代陽秋鑑趨
庭盡所底文章益奇變佇看展駿足千里見血汗空彼
冀北羣直上麒麟殿我昔訪鈍翁出示尊公卷心焉輒
嚮往炯炯仰星漢鈍翁竊自遜每置積薪歎可憐軟紅
堆瓢笠曾游行憶同顧子齋江都顧編修書宣蟬聯話靡倦平生
落穆意孤松灑微霰今者因子好木桃致繾綣長歌睇
北雲北雲天一岸

題蔣樹存繡谷圖

完玉堂詩集

卷四

三

斷碑留繡谷舊是讀書堂三月桃花放一溪流水香賦
詩擬陶謝開徑來求羊更著王維畫人疑輞口莊
欲往光福看梅雨阻程荃谷融散齋遣興

春雨廉纖已浹旬愁中消却二分春癡雲勒住看山舫
豔雪勾留擁鼻人蘭筍脫裯寒食近錫簫過市夾衣新
祇堪夢到銅坑側七尺筇枝一幅巾

題試劍石

一朶雲根砦兩分青霜剝盡紫苔紋屬鏤豈是無情物
不斬西施斬伍員

絕糧

粟盡床頭飢鼠鳴脊梁豎起鐵崢嶸死關笑殺高峰老

瓔珞煨來賣富名

絕壑黃精苗不生迴風吹雪砌瓊英
祇堪眼看不可喫
要問當年蘇子卿

采石磯

澄江鋪白練危磯青嶙峋
可知樊若水的是有心人

太白祠

吳中有梅
花三白酒

江月明于鏡青山眷綵霞謫仙狂魄在
素手奠梅花

北固山

千古長江水英雄恨不消誰云天塹險
班馬日蕭蕭

鶴林寺

素師說法處顛老作伽藍可惜杜鵑花
樵夫紅滿擔

完玉堂詩集

卷四

十四

竹林寺

花落碧巖前猿啼青嶂去夾山語誰悟
煙鎖竹林寺

平山堂

高曠蜀岡頭歐蘇作勝遊江南山色好
誰暇弔迷樓

瓊花館

煬帝荒淫極江都擬作家不聞人哭處
真箇有瓊花

紅橋

戎馬交馳地煙花遞代消牧之魂斷後
無處問紅橋

玉鈎斜

芳艸裙腰綠風吹蝴蝶花牧童橫笛處
云是玉鈎斜

文選樓

世運遞興降文風繫盛衰平生苦心眼爲謁昭明來
登望紫閣

巴蛇曲徑通玉磬落松頂僧閒茶椀香亭迴江光冷
亭坐翠微間天空獨鶴還那堪搔白首望見紫金山

重過虞山簡邵恒山

憶昔京華龍合雲愛君卓犖自超羣荀龍薛鳳人爭羨
惠沈張王與論文

別來三載苦相思特達珪璋天子知老我一雙青眼在
驂騑躡電會乘時

衰殘久矣厭塵寰打疊明年好入山九疊屏風三疊瀑
遲君命駕歎松關

完玉堂詩集

卷四

五

贈楊子鶴

烏目山中一地仙方瞳鶴骨雪盈顛我來把臂白雲外
笑指桑田在海邊

羈栖

莊生未達道物性論難齊支遁猶憐駿時遭不韻譏青
山負夙諾白首歎羈栖昔昔愁無寐聲鐘月落西

飢鳳

偶爾離丹穴翩然覽德輝早年竹多筍誰惜鳳常飢林
黑羣鴉噪魚腥孤鶩肥高岡人不見自理九苞衣

冥鴻

弋者徒勞慕冥冥自遠游原來天地曠豈爲稻粱謀霞

綺明斜照霜華冷素秋有人閒處送時動玉琴愁

送徐安序秀才入都

碧雲寺裏斤竹好玉泉山下圓荷香是余策蹇舊游處
君若題詩遠寄將

題畫省

雕籠緊閉畫簾垂訴盡牢愁人不知爭似輕煙初日裏
百般閑哢坐花枝

娑羅樹

佛號娑羅大樹王人間熱惱化清涼曾聞月窟落雙子
高蔭西天說法場

體似金剛堅不摧况經法雨久滋培騰蘭神足原無礙

完玉堂詩集

卷四

六

與法傳將東土來

三日風留燕子磯扁舟鷗夢是耶非青山無恙頭空白
載得娑羅雙樹歸

破浪長江已爽神風前笑看影鄰鄰須知根性由來貴
別領鴻濛不老春

翠葉光聯六祖禪千花疊雪掄身圓衆生心病非常苦
結子能教盡霍然

金雨閻浮勝四洲杏壇孤檜足千秋東湖湖上黃金殿
清梵珠光漾碧流

直心地上能生長翠樾慈雲覆大千莫負老僧賒望意
莊嚴寶地萬斯年

題生公臺畔石

花月笙歌了見聞道人到處可平分
分明說與點頭石
去住無心一片雲

鞭龍羅鳳時不可攬蜺撈蝦亦懶
爲只合虎邱兩年住
借山名字畏人知

毛西河摘句

比之吞月人精華猶在腹

簡吳孟舉

竹深雞自呪艸響虎初歸

宿龍潭菴

雲多堪作供山好不嫌殘

題柯山精舍

鶴鳴風在檻魚躍月衝波

夜坐

除是孤墻啼血外笙歌多在半塘西

清明

完玉堂詩集

卷四

七

添幽竹老捎檐翠索笑花開亞硯枝

贈筠軒

水曲飄來蘭氣好鶯聲啼到柳陰新

上巳

紫豔映空施步障素香壓席冒流蘇

看紫藤

完玉堂詩集

完玉堂詩集

浙西釋元璟借山

太白集

卷五

自甬江桃花渡舟行至小白河過小白嶺入太
白山覲本師老人得詩五首

二之日粟冽臘破月在丑賀我雙螭鞵得到甬江口甬
江劃城根天啓東南牖地疑海所吞山疑海所嘔浮梁
蹋浪過聲急萬馬走鼇山落彈丸蛋帆驅龍母斯足移
我情獨立懶回首成連旣已往我師高可扣桃花渡頭
船倚橈爲招手

水縮沙痕圓舟輕岸影捷南過鄞山橋山翠壓眉睫白

完玉堂詩集

卷五

一

雲約青松捧出育王塔首塗小白河興先凌截葉夕陽
懸石徑磽确碎難躡手攜七尺藤力疾藉以接樹遠炊
煙生澹與嵐氣合竟忘腰脚勞頗覺情景愜嶺背開一
門矯首天匝

策足不知遠路隨山勢盤雞犬聚成落漸覺陂田寬環
碧一溪合亂紫千峰攢陡驚老熊立旋愛修龍蟠對面
蒼雙鷺轉眼翔孤鸞佳境復深入月上松風寒清陰欵
徐步鐘聲落雲端花宮夜突兀太白山圍圍猗歟我祖
窟大海稱奇觀

登山須泰岱探水須崑崙高哉知所仰深矣逢其源脉
脉濟北宗吾祖重掀翻克家得弘覺憲章道益尊吾師

纘其緒重鼎歸冢孫棒頭挾正眼聿使龍象奔點燈呼
入室顏色如春温弗責闕略罪細慰浪蕩魂瓣香出懷
袖烏足酬洪恩

幾我說法堂堂楚楚翼萬架皇皇丹詔書香火祝晨夜至
人乘願輪間世騰神化昏衢炳一燈千燈衍夸夏間登

世祖童皇
帝御筆

雪嶺大
師語

奎煥閣聯額言非詫孤雲卧此中萬山拜其下
蠟堅忍立雪心詎容回我駕

密祖瑤院養痾度歲志媿四首

吾祖藏真地南山紫翠間瞻依酬宿願灑埽得餘閒滴
乳巖泉吐千峰螺髻環悄然成獨立燈影照松關

完玉堂詩集

卷五

二

朝宗有法海靈勝甲東南花雨交晨梵鐘聲散夕嵐看
雲無窘步對石作奇談霧豹何曾變酣眠生小慙
岑寂余所愛心如雪裏蕉終朝親藥裹隔月檢詩瓢世
事斜陽淡年光旅夢消深情煩素友問訊過溪橋
芒屨三登破筇枝萬里歸壯懷消也未昨寤是耶非碧
荔堪禁凍明霞亦療飢行藏宜自定執帚獲先機

絕句

傍巖屋小如蝸殼縛竹林高比鶴巢恰稱嬾禪欹枕卧
不知紅旭上松梢

介然不肯同流俗單取古人要處看除是魯連吳札外
立言容易立身難

絨札東門實伯別號東門剪蠟燈開春曾約理紅藤拍肩飽看乳峰瀑笑口同尋布袋僧

著地鑪埋榑杓紅擁身敗絮影蒙茸雖然風穴單丁樣也勝楊岐卧雪中

謁賀知章祠

乾坤本寥廓只讓斯人狂紫闥薦才子黃冠歸故鄉神仙聊可托湖水至今香余也游方外愛君登此堂

登天封塔

雄鎮東南一柱存凌虛日月手堪捫天開地扼山形壯風吼潮來海氣昏鳥下神龍無數繞鐘前怖鴿幾雙翻鸞帆珠舶蒼茫外認取青尖入此門

完玉堂詩集

卷五

三

采太白峰崇蘭二種寄靳司馬熊封別時許以松煙墨相易乃系二詩

崇蘭產太白異種遺仙樵歲寒交霜雪碧葉抽素茗采采入虎穴奕奕出艾蕭孤根幸不壞幽芳良可邀遠將貽君子霞外伸久要承以綠玉盆佩以黃絲繚墨卿我好友藉以磨年歲踰糜夢已空松煙貧莫致公昔宰天都博物有精諳材取潘谷譜法按奚超製九畹托微吟十笏俟嘉惠勿露箭鋒機請援玉帶例

讀李杲堂前輩全集并簡寅伯

愛讀杲堂冰雪卷巖房燭跋眼重揩文除客氣始稱妙詩變新聲固自佳生不同時金可鑄世何竊歎玉常埋

千秋只許寒泉老

先生與寒泉老人為平生交集中酬和最多

追乞家風屬我儕

歲暮寄寅伯兼致同社諸子

空山臘盡坼梅苞偏有閒愁勒歲梢雪竇乳泉空有約
岳堂遺藁未曾抄夢歸遼鶴三千里志在潛龍初九爻
寄語江東吟社侶論詩兼且要論文

壽昌寺喜晤錢穉廉居士坐談甬江耆舊風槩
時以入山省師未及造訪却有此寄

明州扼海角歷古稱名邦交友膽輪困讀書腹胘臍一
士走天下詞場鼓逢逢一諾千黃金元不移衆吮曩窺
杲堂錄耆舊風敦龐叔世抱孤操不異潯陽江埋玉泣
周鄭董岳墓松吹馬鬃君家兩伯仲退山奇服餘蘭茝典

完玉堂詩集

卷五

四

型惟君在卓犖今無雙高義激石友熱血驚帝堯

居士曾為友生

奇禍收身事隴畝下筆九鼎扛東南倚半壁坐令時輩降

叩關鴈堂喜邂逅對飯蓮花幢清言聽不倦急峽奔秋瀧我

游嗟歲晚金石誰擊撞苦搜鼠噉藁雪屋篝青缸

時方得鄭山泉

堂兩前輩全臺泉堂軒用上著舊詩

獲君之快論虎癢揩杉椿呼起地下人一

一開生龐所思究未竟蠟屨入雲砭撥火煨芋子呵凍
吟山窗永結霞外契聊寫琴聲淙春來桃花渡拖杖拜

老龐

奉侍本師老人杖履游東谷一邱曠如衆峰拱
秀可愛與諸同門建窳堵波于此為他年藏真
計老人喜而有作恭和原韻二首

幽絕東巖塢天留一老登雲開萬古宅峰立衆叅僧要

是神丁鑿都非繪事能先賢高並峙真價許誰憑

宋宏智
禪師塔

隔溪
對峙

落石泉流細披風蘭氣清仙源扶杖得谷鳥揀枝鳴玄
結龍爲貴庚留山有名黃金充一國未善述家聲

鄭山寺瞻禮阿育王所造迦文舍利塔

塔樣古而奇高不滿一笏中虛函舍利外質非木鐵當
時菩提場靈光照衣絨傾寫八斛珠天龍互分奪周哉
我佛心遠被真丹國遂因劉薩訶平地忽湧出不夏綴
碧瓜未秋垂朱橘或看鳳皇卵又變玻璃月余來償夙
願戊寅之人日足履八吉祥地名手炷梅檀鉢塔戶睨而
窺一顆摩尼活似定却不定欲掇那可掇回首蔚藍天
紫雲覆山額

賀季真祠古柏

天寶年間柏應同逸老看心空涵月魄皮剝落風湍古
綠壓窗秀新香飄瓦寒祇愁雷雨夜飛去靄雲端

宿三餘草堂次舒後邨韻簡亦姜豈羅

雨打春燈興已慵西溪又阻探梅筇愁多不刻三條燭
夢冷偏驚幾杵鐘狂客祠連衣帶水美人花近玉簪峰

草堂之東卽賀知章祠庭中
石筍峰畔綠萼梅一樹感開

君家兄弟情難忘頓頓伊蒲爲我供

客牕

最無聊爾檢詩籤吟句先將晴意占帶溼鐘聲猶覺重

受寒燈燄不能尖鴨頭已漆長江水燕子將歸小閣簾
久客似忘蓼葉苦勞生幾得蔗根甜

春雪漫興倣歐陽公體

欸臘曾無一朵開
春三度雪皚皚

春後作寒
諺曰初春

儘教客子

添騷屑頗耐東君費
剪裁松火烘毫吟野寺
羶巾勒馬

看西臺

甲戌夏余游五臺至西臺過大雪馬上寒栗
乙亥冬客吳門野香寺雪夜同惠仲孺聯句

甬江頓漲三篙綠

却羨漁翁捲釣回

登招寶山

一山屹立海之角
碎躡夕陽絕頂登
既吞復吐水澎湃
欲翥還伏風掀騰
蓬萊咫尺鶴可跨
溟渤清淺桴宜乘
我思釣鼇任公子
倚空長嘯無人應

完玉堂詩集

卷五

六

蛟門

十丈帆張五兩風
笑談間已出蛟宮
兩拳石束波爭立
一隙門開天忽東
雲壓鼇頭蓬島黑
日翻魚眼柁樓紅
平生夷險經曾慣
要吐胸襟浩蕩中

翁洲

一名舟山 國朝新置定海
縣相傳葛稚川曾煉藥于此

海繞蒼山山繞城
何年一股割蓬瀛
無多賈舶旋分市
也有涂田可派耕
縣治蕭閑如埜寺
居民魯健卽屯兵
我來欲訪仙翁藥
笑聽雲中雞犬聲

從洪簡民覓小猴

杜老也曾乞叅軍
諒不慳一拳能解贈
終歲破愁顏
月澗懸枝嘯秋窗
捫蝨閑海山游已倦
呼守我松關

宿祖印寺與寓谷兄話廬山之勝因懷心壁同
門

偶泛山槎碧海灣琉璃燈底話廬山如龍松卧五峰下
似扇桃開四月間雲吐香爐供几案風吹瀑布洗心顏
天應憐我平生志挂搭開先老不還

蓮花洋

汪汪潏潏天無涯混茫一氣凌虛槎欲怒不怒風助吼
有意無意雲週遮前浪未跋後浪扈高蓬忽轉低蓬斜
槌鉦碗拔滄洲真眨眼箕簸東南退船頭劈破萬漚泡
舵牙劃落千盤渦晦陰交互隱玉竦光彩恍惚翻金鴉
飢蛟涎翳修羅鏡長鯨尾掉義和車鼓聲斷續鼉奮擊

完玉堂詩集

卷五

七

珠影出沒龍爭拏預愁吐月戲赤蛛旋駭掣鯉迴蒼鴛

總戎箭送青雀舫

謂藍義甫也

樓插絳戟窗碧紗坐安幾曾離

石研吟渴時復呼闌茶丈夫抗志隘八極豈類禪蟲與

井蛙五湖三江頗游涉眎彼身世同浮苴茲焉濯足事

汗漫酸魂寒魄消些些我思伸口快一吸珊瑚露出紅

槎柯然後變爲述作手筆力浩瀚飛奇葩渺乎潘陸盡

却步望之特地興咨嗟不爾便借老鐵笛半空裂卷龜

蚪蝦荒唐采藥笑徐福聰明學琴憐伯牙安期麻姑未

達道但見三度栽桑麻必也胸中納全海恬養歲久澄

而洼炯然氣吐虹萬丈架梁直到壺仙家相傳昔者載

大士于此簪滿高蓮花日本長老始驚異拜送大士栖

洛伽累朝香火遠崇奉夷夏緇白來交加憑誠抱信不知險聞名觀像相矜謙微茫島山莫可辨疑是四岸躡蝦蟇梅岑孤絕湧寒翠琳宮金刹團朱霞條驚石尤逞威角雷砰雪卷顛驕駟舵師眼瞪若星大鍼盤捧定猶吁啞勢猛排倒亂山岳力壯蕩滴渾泥沙我方披襟獨坦腹巴牋投語晶宮衙地維雖傾涵聖量朝宗終古無淫哇往來朝夕示忠信沐浴烏兔收精華慢欺懶禪守枯寂一念矻弗輕萌芽試歆瓦鉢逞狡獪燃犀毋悔施鞭撻天吳紫鳳領勅旨喝風好好吹袈裟縱觀坎德窮詭怪此游堪許平生誇

老龍窪

完玉堂詩集

卷五

八

破浪排天入杳冥雷砰電鬪定中聽搶迴風馬俄千里飄轉靈旂仗六丁鮫母漾珠驚月白鯨魚張戟奪山青庸人不解吾詩語請讀牀頭山海經

磐陀石

擎出波心手掌平我來跌坐證三生善財參後無人到閒殺峰頭雪浪聲

寶陀寺得詩二首卽似潮音咒

彈壓洪波古道場蓮花現瑞自蕭梁

誌載梁貞明二年日本僧慧鑄載大士歸本國至此

大洋鐵蓮花開滿舟不得前許送洛伽遂有石牛浮水噓盡

慈雲不散六殊勝海印常懸八吉祥

珠白月盤獻龍女血紅日馭浴扶桑可知大士分身處只在蒼茫水一方

杯渡南來情亦深
洗空雙眼聽潮音
卷回石穴層層雪
蹋去灘沙步步金
纔憶五峰歸化宇
余方游清涼歸
又凌孤岸暢
虛襟名山偏解留
人住細雨松窗自在吟

有感

寄毛大可先生

好學世無幾
苦心惟自知
磨礱須畏友
鍼芥得名師
汲古波瀾大
鉏荒歲月遲
迢迢有孤夢
夢到白蓮池
昔覽鴈門勝
今爲滄海游
驚波天反側
絕域雨綢繆
談虎五峰寺
題詩萬斛舟
楊子洪簡兩知已
刻骨意難酬
四十氣方壯
鏡中驚白鬚
大都催病客
豈必坐吟詩
法社秋難挽
雲泉老更宜
何須買金鑷
留樣報心知

廈門竹枝詞

完玉堂詩集

卷五

九

海山叢葉海波平
二十年前此用兵
夢破槐根成底事
向人羞說古田橫

梅花白時洋船開

閩地梅花十二月即開

荔枝紅時洋船來
開時不管

梅花惱來時
只怕荔枝吟

照人似鏡暹羅椀
切玉如泥日本刀
白晝難看黑鬼子
綠瓶好買酒紅毛

虎嘯是蟹綠
螯長龍蝨如蟲
黑殼香三月
臺灣船隻到
西瓜甘美勝冰糖

開元寺

在漳州府

紫芝山下寺消暑
頗清嘉門掩峰千疊
天傾海一涯
瘴饒烏葉荔
索笑佛桑花
客到蠻鄉懶
詩瓢挂樹斜

烏葉

日啖晶丸百啜詩品得中等夷宋家白壓倒狀元紅甜
雪肝腸化頑仙夢想空年來停遠貢不用趕船風

贈彭艾菴居士

番禺有陳屈詩筆擅風騷皆與先生好知爲體格高天
清桐葉雨秋壯海門濤標舉如孤鶴聲聞在九皋
自古英雄士偏多尚友情劒埋光閃爍驥老氣縱橫布
諾千金重荆名萬戶輕投交應未晚一日盡平生

荔枝

將軍挂綠福州強烏葉臨漳差足當興化狀元紅亦好

蔡家只譜宋家香

蔡君謨荔枝譜以泉州宋家香爲第一

完玉堂詩集

卷五

十一

仙露凝成碧玉胎甘香沁齒久重回阿環一笑何常錯
直得三郎傾國來

天猶憐我一枯禪正及紅香小暑前日啗晶丸過三百
蠻鄉揲作老游仙

婢呼碧柰與黃姑

李名

龍眼從來喚作奴若較吾吳五月

白

吾鄉揚梅白者更佳

雙鮮品價要齊驅

萬安橋

俗呼洛陽橋

豁達萬山口秋潮怒馬來我何臨海角想見濟川才日
落鼇鼉見天長鴻雁回浪游無藉甚眼爲蔡公開

有忠惠公祠

三忠祠

陸秀夫張世傑文天祥

播越無全業艱危不顧身厓山傾一旅柴市接三仁棋

到殘難算金從鍊後真崇祠妥海角歲歲薦香蘋

楓亭

雨色前山白炊煙小店青沿邨多荔樹隨意宿楓亭風味堪游紀詩心閑自靈未曾嘗勝畫離支名又手問畦丁

烏龍江

秋氣颯以厲江光似古刀西風吹短鬚晚浪截輕舸城郭面五虎山名樓臺負一鼇峰名雄藩今已矣舊府長蓬蒿

三山送郁滄浪還武林

君家西子湖之濬歸去秋好堪吟詩莼絲吐水碧正美楓葉著霜紅未遲海外文章歎奇絕君有臺灣游紀及竹枝詞最精覈人生離合知有時臨別那須作悲語白華補出風人思

完玉堂詩集

卷五

七

朱層山寓晤晉江吳魚男手寫梅花一幅見貽

作此答之

商籟滿榕城榕葉不到地獨客先驚秋歸心隨燕翅我友尼我行謂層山一榻為我置得與延陵君晤對成樂事天方行剝運造物等兒戲文章在千古何必爭一第時吳落第至泣

數錢雇筍輿撥雲上山寺洗心扣老禪點頭悟佛意興來寫梅花冰雪灑胸次陡覺單衣香旋動苦吟思一字換一花定交從此始

諫果

樹頭落青子樹底著紅鹽雅愛吳儂製清回貝齒甘農書稱敢諫茶品得新叅閩俗春為醬閩人不解點茶紙作醬豉家家論擔

檐

鼓山

名山尋石鼓松翠接丹梯海色秋鐘外江聲落日西
主人一耆舊家法半雲栖喝水巖前石多情待我題

黯淡灘

水性不受窘人宜老似灘蒼山蜿蜒曲白晝雷霆寒萬
石萬夫却一呼一寸盤懶僧坐船尾只撚雪髭看

仙霞嶺

一關天設險閩甸此其咽喉確懸雲及紆迴學蟻穿山
垠餘戰骨虎落斲人煙殘壘斜陽裏經過亦愴然

江郎三片石

相傳江氏兄弟三人
鍊真于此遂化為石

完玉堂詩集

卷五

七

三片蒼寒玉江郎鍊得成倚空閒自立老眼看多情日
漾蓮金葉雲遮屏水晶倘然能點首我欲語平生

登嚴子陵先生釣臺

釣魚臺尚在歡喜一停帆天子腹雖大先生足不凡白
鷗聚秋瀨紅葉散高巖獨坐忘歸去清風冷夾衫

拔壩

百夫叫呶亂鵝鴨一夫鵠峙催高歌粗繩十丈挽船尾
輪車蟻旋懸坡陀披衣露立夜正午半規壁月衝寒波
余雖無力以意送膠黏枯葉看如何初愁王陽疲馬上
峻坂忽驚陶侃破壁龍騰梭

過萬開遠白雲莊

相思只隔一方水撥棹堪憐十日春雨洗梅妝纔小試
煙搓柳眼未曾勻袖中詩卷看誰敵堂上衣冠拜尚新
甬上風俗歲朝供祖先像至上元乃撤自是射龍遺烈在夜珠常照擁書人
射龍將軍聞遠

也

巫麓筠寓齋話舊

故人出宰荔枝鄉車笠相逢情話長猛虎渡河堪作頌
蒼蠅點玉竟無妨時公被論清風一榻茶煙細小閣雙桐暑雨
涼要學淵明成傲吏菊松歸去未全荒

張超然登鄉薦第一喜贈

烏龍江淨鋪練光巨鰲峰高突雲上山川之氣鍾有人
力不可爭步寧讓張郎才本天下才筆端久夢奇花放

完玉堂詩集

卷五

三

包羅星宿為心胸窮研經史作醯醬好奇偏喜僑冷鄉
立俗那肯學時樣貧如司馬也風流狂比子陵尤倔彊
但逢豪士縱詼諧常被庸人譏傲妄憶昔京華同聚首
敝裘蹇衛頗跌宕紫丁花下封醉侯白蓮社中拜詩將
兩京賦出雪繭貴四愁咏好紅兒唱不蹙而走名自喧
欲伸反縮價益長鷺鷗儔侶儘綢繆玉帛公卿盛延訪
有時如雷發孤憤千金琴碎誰能抗或復劃壁旂亭間
大笑落帽興亦壯今季閩南秋槐黃忽爾披帷笑相向
綈袍戀戀故人意霜鬢蕭蕭病鶴狀君乃軟言慰藉余
歸山計左漫惆悵詎知碧翁真愛才百尺蒼松特培養
一朝風雲傳鱗甲變化飛騰解其榜借山道人眠山窗

拭眼始見朝日亮文章自古有公道斯舉則爲士林暢
戰勝者懼分固宜乘勢取捷理所當况當朝廷需才急
勲業旂常焉可量曲江躍馬看杏花鑿坡拖錦含雞鶩
君家譜牒又一新跛脚望君傳吾黨

輓錢穉廉

壯懷磊砢氣騰鸞豈料生無再見緣尚古深情今日少
法門好事幾人傳雨飄書幌銘旌溼蛛網琴牀神理綿
記得依依春柳夜籠燈送我上江船

伯夷叔齊

揖讓方爲孝依違豈是成一言明大義萬古扇清風歌
望黃虞遠心甘薇蕨同周家成帝業容死在山中

完玉堂詩集

卷五

十四

西施

稽山青似髻耶水碧于銀誰道捧心女竟爲傾國人舞
矜迴雪豔歌愛采蓮新載入五湖去東家徒效顰

王嬙

顏色本殊衆幾回對鏡疑行辭漢殿去立斬畫工遲明
節焉支重芳心青艸知從來安社稷寧止用蛾眉

綠珠

嘗讀晉朝史風流事可傷一朝墮樓影千載如花香金
谷繁華盡明珠聲價償季倫豪不悔名並美人影

寄梅溪菴主

谷飲邱樓三十年冰枯雪老骨嶙然夜來湧出一丸月

浸徹梅花香滿天

題荻廬圖

沈家舊宅最清幽鏡裏溪光蘆荻洲溪上白鷗俱識我
煙中常放釣魚舟

白蘋花姚平山分贈

白蘋香且潔皎皎市汀洲宜與風人采洵堪俎豆羞雨
餘明雪鏡日落隱沙鷗好友能分贈玩之散百憂

題鄭芷畦擁書圖

紫蕉衫染四香勻左右圖書與古鄰何必身為八州督
神仙要是讀書人

題覆千樹子調獅圖

不摘楊花不釣鯉閒坐看他弄獅子貓兒狗兒且走開
哮吼一聲從地起

立春

臘盡慳三白今朝鞭土牛勾萌餘凍壤澆灑動溪流午
飯無青甲邨童換綵緞一枝筇竹在應躡紫霞邱

雪夜宿賦清草堂與張吟樵先生同賦

潮落春申浦偶乘雪夜船笑披白鶴氅吟到玉梅前老
惜知交寡情深象古賢寒光凝不去流照燭花妍
江東人一个勇退興猶賒課子唯黃卷娛親有白華舟
牽岸影闊風過釣絲斜笑下曾眠榻分牋睹八叉

縛筍擗為筆作草書頗有風格

染翰何須紫兔豪，縛來錦籜有風標。雖非顏老鼠鬚勁，猶勝董家楊柳條。

南亭畫扇三橋索題

病裏心情儘自閒，碧雲紅樹掩雙關。瘦腰一把憑烏几，只寫元人沒骨山。

人日有懷查查田先生

人日春如許，春陰黯不開。地偏無驛使，誰寄隴頭梅。世事知貞吉，天心自復來。查田味禪悅，詩律晚堪推。

送林鳳溪明府

夙昔耽微尚，林泉希古修。謬承丹鳳詔，吟老玉京車。笠敦風義芝，蘭數侶酬。貴座主阿雲舉蟹鹿原中翰張超然明府管投支許之契乞身歸舊隱。

宛玉堂詩集 卷五

去

揖讓有賢侯

地僻人風薄，君如烹小鮮。彈琴有餘暇，飲水只三年。黃口咸葦育，青衿分俸錢。平湖有嬰堂公置田捐米存活甚多歲暮分俸給貧士東湖湖上月。

常照夜談禪

衰艸斜陽外，依依惜別情。青山迎五馬，紅葉照雙旌。聖主勤宵旰，御屏書姓名。東甌名勝在，王謝繼嘉聲。

春雪

瑞花飛五出，夜半峭寒生。似欲禁梅白，微聞折竹聲。瓊林迷近遠，銀界蕩空明。夢想屏風壘，中天足練橫。

清豫堂論詩

同于湯谷姚敏困葦侍堂筮苒陸又起南香松欄硯濤魚滄兼似沈東表陸循環緯蒼龍龍威曹賜南

麗則風斯眇，雅言婉以葩。苦吟生妙悟，鍊格自成家。天

上雲霞貴人間錦繡誇神仙換金骨無復事鉛華

雪霽

雪霽山光近春寒鳥語空衰年唯一嬾睡起紙窗紅薄
俗宜逃劫浮交悔借叢庭中瘦綠萼悄悄待東風

復雪

柳綿蓋碧蘚玉屑壓黃茆何事陰常閉多疑陽未交雲
驅龍戲海鐘引鶴歸巢却羨垂竿叟青菜入畫梢

元宵後葉待堂書齋同于湯谷姚述緬劉書升
佳節春纔涉餘寒氣未和良朋貪把話冒雨亦來過辨
體親風雅虛懷尚琢磨青燈照白髮永夕樂婆娑

三蕉書屋詩爲陳簡亭作

完玉堂詩集

卷五

七

懷素種蕉百學書代麥光絕誦成草聖聲價亦已昂隱
侯惜瓊枝爲文彈蒼筤耐翁秉微尚風義達四方簡亭更
有世德居近萼鱸鄉耐翁秉微尚風義達四方簡亭更
卓犖苦志縫螢囊恂恂而儒雅的是三魚甥家傳四庫
書手澤加丹黃閣帖撫八法顏柳追鍾王書屋官以深
湘簾犀柙將窗前三本蕉扶天葉昌昌正當炎赫日綠
陰竟葦牀有時疎雨來聽之心冰涼不勞蒲葵扇把弄
嗤王濛底用白龍皮豪侈擬贊皇李贊皇威君宴客以白
龍皮浸水舉座皆寒栗行看
數奇葩結子黃且香非特作佳話聿爲高門慶衰年坐
枯木研田久矣荒撚髭和傑倡自詡格調生

題陶靖節像

賦得歸來總任真蓮花社裏往還頻南山只在東籬下
不負區區澆酒巾

附堯峰汪琬五兒長大翟卿賢彭澤歸來只醉眠籬下黃花門外柳秋光何似義熙前

林鳳溪明府生日過寺飯僧放生賦贈

莫唱王郎斫劒歌浮雲幻影似微波祇看挈榼提壺處
敲蒂甘棠舊蔭多

風神奕奕鬚青青每放扁舟繫柳汀魚梵佛香傳逸事
東湖卽是峴山亭

飯僧山寺放魚禽仁者之心卽佛心游泳飛騰咸暢遂
涼風落日水浮金

把似松窗和杜詩襟懷浩蕩骨離奇愛君龍馬精神在

完玉堂詩集 卷五

七

會見追風刷電時

陸熙菴招集茂脩書屋看桂

竊窳迷巖穴參差倚桂叢清秋綻金粟香雨晝惺忪閣
住碧雲影是日欲雨不雨婆娑白髮翁同座巖西武張望之袁鳴旂陸觀成及余皆年邁七十吟詩紀

幽勝劃入小山中

胡原仲邨莊看芙蓉

郊外秋光好沿緣葭洲靚妝臨矮檻醉顛俯清流老
癩晉支遁高懷馬少游盤餐取直率竟日爲淹留

完玉堂詩集



